


TRADICION DI CUARESMA



Siguientemente ta sigui un konversacion ku nos tabata tin ku un señora. E señora a konta nos kon nan tabata (fiesta) tene Cuaresma y fiesta "Pascu di Resurreccion". Despues di e Konversacion aki ta sigi un creensia di Cuaresma.

Den tempo di Cuaresma no tin comemento di carni ariba diabierna i lo mester juna diaranzon y diabierna durante 6 siman di Cuaresma. Tur hende den es tempo ei tabata cumpli cu ley, sino nan lo wordu kastiga.

Ariba Diabierna Santo tur hende ta sosega y no ta traha (ya for di diawebs caba nan ta na luto of na rauw) te diadomingo mainta. Ariba e dianan di absitencia nan tabata come pisca boonchi of komkomber di Aruba sin carni.

Durante 6 siman largo di Cuaresma tin algun hende ta hunga un sorto di wega manera un rifa na nan cas, ariba diadomingo despues di misa. Pascu Grandi nan tabata fiesta tambe, pero no na club sino na cas di bisifia of famia. Ta asina ku nan ta bin bisabo di un fiesta y bo tin cu hiba bo bebida y coi come, manera nos ta jame awor, "getogether".

Nan tabata balia riba nota di tambu cu violon y caha di orgel. Ora nos a puntra e señora si ta tin vloer di mozaik e a hari y bisa nos cu di 1 luna prome nan ta bai coi santo blanco grof na lama, y plame pa e seka, ora e ta bon seko e ora ta barie hasie plat, pa asina por balia ariba.

Tambe pa bo por hanja bebida bo mester a hanja permit di gobiernu. Es tempo ei rum bieuw bacardi i bols tabata na moda.

Cuminda pa es diadomingo ei tabata soppi cu maishi grandi mula y traha na pan como cachapa. Segun e Sra: tempo nan aja tabata masha dushi ku awor, maske cu awor cos ta bai hopi bon, pero e ambiente tabata mas dushi y lo ta desea pa es tempo ei bolbe bek.

Deseando e Sra. un bon Pascu Grandi nos a termina e konversacion.

CUARESMA.....

Riba Diabierna Santo bo por lesa bo futuro.

Pa hanja sa kiko lo pasa ku bo den futuro bo mester di un glas transparente.

Jena e glas mita ku awa, den e glas ku awa bo ta kibra un webo fresco, basha e blanko di e webo so den e glas. Pone e glas pa basta largo (entre 12'or i 3 or di merdia) den solo.

Despues di poko ratu e blanko di e webo lo forma algun figuranan. Bo lo por wak por ehempel un kaha di morto ku 4 bela, algo tristo ta bai pasabo. Si bo waak un bruid, bo lo bai kasa.